


宣統長武縣志

(清)

沈錫榮
王錫璋
纂修



九一〇）本書十二卷，據清宣統二年（一

長武縣志舊序

郡邑之有志所以尊王制也體國經野踵周官之舊而統一版輿星羅碁布展卷瞭如指掌風氣之剛柔習尚之叔慝土宜之燥溼肥饒戶口之貧富多寡山川平險關津要害無不

得其綱領吏斯土者提挈而經理之然後報政無難至田賦

之重輕人情之淳偽差絲之繁簡又必條分縷析損益張弛

庶幾洞中窾要若夫名節政治固關振勵風俗卽古蹟遊覽亦足資博洽而暢性情此名宦人物務極搜羅而流寓勝跡藝文在所不略長武雖隸於邠在漢曰鶉觚魏曰淺水宋曰宜祿皆建縣得名居然百里民社之寄也暨明神宗中復古

長武縣志

卷一

一

陳君大樸業致四五鶯遷未竣正謀諸尙君垂勳欲踵而成之愧非子長之博雅孟堅之典核未遽操觚適故交莫君循

父題

啗其椎魯歟

康熙歲次丙辰蕤賓既望知長武縣事古溇陽張純儒雪菴

長武縣志舊序

天下惟道德性命之蘊不可以言索而外此文章之大者有二一為古今之史一為方輿之志古今之史 朝廷特以史官掌之而方輿之志則守令之職也韓恭簡云志者貴實而已天下類有作焉實則鮮矣其何以徵乎關中之志以武功為最然濟西未竟之書迄今藝苑相傳有遺憾焉自世不崇學知政而不知教簿書縈心鉛槧都廢況在干戈搶攘羽書旁午之際乎長武宰雪菴張君早承 秦豫撫軍潔源公過庭之訓於書無所不讀而倘儻卓犖有不可一世之概文武兼資余心識之久矣長武故隸於邠明萬歷十一年始置縣

長武縣志

卷一序

三

長武縣志

割邠之西北一隅爾而俗尚節儉重稼穡蓋公劉亶父之遺澤猶有存者乃兵燹之餘凋敝已極又當孔道軍需方急民不堪命雪菴以豈弟之性抒振作之才寓撫字於催科廢朴敲為勸戒不一年而大治凡所為興利除害者靡不具舉而又以其暇日開館延士發凡起例創為茲志於山川土地風俗人才及治亂盛衰興革損益之故皆晰若指掌簡而文正而則信乎其足徵也雪菴其知為政之本乎今而後讀志者吾知其不在武功而在長武矣

康熙十六年歲次丁巳人日潼關分守使者金臺胡戴仁絹

菴甫撰

跋

志與史有異乎無異也而觀感興起則無不同若然修史易而修志則難何也修志不難修長武之志則難長武舊隸於邠數千餘年歷漢唐魏宋其間不知幾建置幾沿革幾風俗之異其尚幾師儒之異其習也明中葉復舊建改名長武蓋謂習尚武健風不古處非用文德以綏之將焉止也前任父母多遜謝不遑者職是故耳而余小子獨謂非其人未易幾此也雪菴張父師鉅卿名胄雅好經史所構詩文盈箱積案甫下車慨然有振興復古之意集邑之父老子弟詢以掌故僉曰承平無事且難以觀厥成值軍興旁午輸將運輓之不

長武縣志

卷一跋

四

長武縣志

暇而暇此耶公曰不然成大事者不狃于俗作事謀始存乎其人耳即邀邑之黃考紳衿而余小子亦列其末諸凡需用不取之民間遂於集賢岡上購求遺文校讐而訂誤復專邀循蜚莫先生賁止宜山綜核筆削先生南國高賢燕許大手筆而兼班馬之長且吐握下士不棄余小子庶和山○點鐵作金汪汪千頃波不足擬也遂提綱挈領甯實母虛甯質母文甯風規於可大可久毋掛漏於有○有倫猗與都哉夫何以謀之百年而不足者決之一日而有餘也太平優游而克阻者破斧缺斨而無難也緣公之篤厚於民也如此而民之媚茲于公也亦如此越數千年而復見公劉亶父之遺也又

如此噫可以興矣邑之縉紳讀此志而興也韓范之偉績如
昨何弗勵歟邑之文學讀此志而興也張史之芳躅不遠何
弗媿歟邑之人民讀此志而興也獻猗獻羔春酒之眉壽可
介吾儕非其倫歟邑之將卒讀此志而興也同袍同澤甲兵
之偕行堪作我輩非其任歟如是則化隆俗美不儼然豳風
士鼓之舊哉而余小子亦得拜手颺言以跋其後若曰襪綬
堪補以佐茲狐裘之腋我何敢
康熙十五年歲次丙辰蕤賓之望邑後學張緄岷石氏題於
於集賢岡之迎旭亭

長武縣志跋

雲麗星輝川流山峙天地之廣大以傳書道政事詩陳風俗
史紀理亂古今之人物以傳邑有志則一邑之星雲山川政
事風俗理亂又賴之以傳昔太史公獨稱秦志長武志則創
自康熙丙辰視諸志爲最後亦視諸志爲最畧癸卯春余應
邑侯龍泉樊公聘設帳官署冬十月 公暨闔邑紳士以志功
未竟懇余踵而成之夫長武當陝甘之衝在古邠西北隅固
名地也嘗讀詩至七月公劉久嘆周先王疆理斯民之善與
民風之醇且厚矣乃自唐以來稱爲戰場太宗破薛仁杲於
此青燐夜啼郭汾陽敗回紇於此鋒鏑亦警至明萬歷癸未
始立爲縣尤屢遭兵燹時事變遷災患頻仍古風豈有復存
者乎我

長武縣志

卷一 序

朝修廢舉墜培養振興乾隆三十四年復改爲要缺

慎簡民牧宜山拱於南神龍山峙於北洹水黑水通濟之屬旋繞
環清而獻原流泉之真面目乃開士勤於讀農勤於耕兵勤
於操練去虛僞矢醇樸而爲裘與裳急公優老之真面目更
見則是志也余所樂爲續而成之者也若曰夏聲必大足重
輜軒之採如高陵武功等志端有待於立言之君子焉己亥
恩科舉人前丁酉科副榜扶風李泰交簡齋跋

重修長武縣志敘

周官小史掌邦國之志外史掌四方之志志亦史類也重已長武為邠之一隅介在陝甘之交地高而田瘠途衝而民貧邑建於前明萬歷間志之作則自康熙丙辰始然亦畧具其名焉則夫重新詳核非守土者責乎哉壬寅秋余奉

命調蒞茲土州守

王公續修合屬志余因欲舉是志而重修之適常州洪孝廉稚存客關中相與發凡起例審繁勿簡審樸勿華釐為十二卷乃功未竟而南旋次年延扶風大來李孝廉主西席課讀之暇參者纂訂至十一月而竣於縣境沿革山川戶口人物以迄廟寺橋亭等無不備悉既成余得為邑

長武縣志

卷一序

七一

中士庶正告之曰是志也將視為具文乎抑視為風化攸關乎將以供涉獵之助乎抑以為砥節勵行返本修古之資乎先儒云雍州土厚水深其民厚重質直以善導之則易興起而篤於仁義長武田雖瘠有亢壚而無鹵漠陟嶽降原之舊尚所憶也民雖貧有醇樸而無機詐躋堂稱觥之風當未泯也且觀牛吏部張侍郎諸先達而盡職奉公忠孝之思益油然而莫能已也士則有猷有為民亦務本力農於以仰備

聖

天子國史採擇安在今之長武不猶昔者公劉太王之盛乎是則守斯土者所厚望也夫乾隆四十八年歲在癸卯黃鐘月知長武縣事平易樊士鋒龍泉敘

長武縣志跋

長武自古幽地讀幽風七月先聖之德澤民風之忠厚咸於是乎在而代遠年湮流風餘韻罕有存者古今之不相及非細故矣余設鐸於茲有年每與士人接見其語言質實服飾鮮華喪葬雖從時而情文不敵饋享雖薄物而恭敬有加祭祀燕饗間其不苟有如此且民勤稼穡力田之餘鮮未作也士崇孝友誦讀而外絕奔營也有淳古澹泊之風而乏輓近侈靡之習公劉太王之澤未艾也惟是幽地苦寒無器用物產之饒無林麓陂池之利三里彈丸介在陝甘之交民貧而寡地小而衝公私不免兼營士農因而分業為少惜耳方今

長武縣志

卷一跋

七一

聖天子留心民瘼絲毫不以累民凡隸衝途州縣轉運之需道里之費靡不取給官帑隨時動支小民雖有供役之勞閭閻實鮮賠累之苦急公奉上躋堂稱觥爾時忠愛之風何難再見今日哉乙巳春新刻縣志成余觀其敘山川源委建置沿革較舊志頗詳其中忠臣孝子達人義士下及委巷閭門烈女節婦之徒無不彪炳簡策後先映輝豈先聖之澤有未泯耶抑人才之生不擇地耶孔子云十室之邑必有忠信吾於長邑益信諸生仰承先聖之遺風觀感有自尚其砥節礪行追蹤前哲使今日之民風復還古初而有光邑乘者不獨牛張諸先達已也此則余之所厚望也夫

長武縣儒學訓導前知廣西永淳縣事二曲王維鼎謹跋

長武縣志 卷一 職

九 學務公所印刷局代印

前修長武縣志纂閱姓氏

監修

直隸邠州知州

王朝爵

主修

長武縣知縣

樊士鋒

纂修

舉人候補知縣

洪亮吉

舉人候補知縣

李泰交

校閱

長武縣訓導癸酉科舉人

王維鼎

長武縣志 卷一 姓氏

又九

學務公所印刷局代印

監刊

長武縣典史

郭振吉

採訪

貢廩生

魚自道 魚于 魚雍 魚稱 魚勵 魚性

廩生

魚張 魚番 魚于 魚自 魚道 魚雍 魚稱 魚勵 魚性

生

魚張 魚番 魚于 魚自 魚道 魚雍 魚稱 魚勵 魚性

校字

魚張 魚番 魚于 魚自 魚道 魚雍 魚稱 魚勵 魚性

監

廩生

張尚 王尚 明先 善甲 仁循

生

張尚 王尚 明先 善甲 仁循

續修縣志序

邑之有志昉於周官職方所以紀山川之形勢疆域之沿革與夫關津之要害土宜之燥溼戶口之盛衰俗尚之純駁令人閱之而瞭如指掌者也至於忠臣孝子義士節婦凡有關乎人心風化者皆宜搜而輯之以俾後人之觀感長志自乾隆癸卯前任龍泉樊公修後歷經七朝鐫版剝蝕模糊莫辨且自修志以後其間名宦政績鄉賢著述與夫獨行介士篤孝友於家庭守節孤嫠矢冰霜於閨闈孤詣苦心豈無可法可傳足以感動後人者若不廣為採訪以光簡冊而垂無窮將時代云遙幽光終閔殊可惜也余自今年春仲承乏是邦

長武縣志

卷一序

十

華務公所印刷局代印

即欲續而輯之以 文廟城垣倉廩橋道各處正在鳩工修築加以新政紛紜日無暇晷故於斯事猶未遑也迨至仲冬邑紳王錫璋等復以修志為請余學植素薄加之宦遊多年久疏鉛槧安能取其嘉言懿行以揚扃而表章之乎第思乾隆迄今閱百餘年若猶謙讓未遑竊恐文字有散佚之虞鄉里無傳述之美歷時愈久採輯愈難後之人雖欲續而志之亦無從措手矣然則修志之舉余豈能辭其責耶因與該紳等多方搜羅不揣固陋採而擇之以附於前志各條之後且舊志疆域城池各圖率皆簡略余另為細繪並加繪牛公祠墓及宜山秀水各圖以備考據事成因敘其顛末於簡端俾

後之讀斯志者瞭如指掌山川道里悉在目前而無隔膜之憾特瓜代期促為時無多問俗採風未免多有罅漏尤望後之續斯志者有以相諒以匡予之不逮焉則幸甚是為序
宣統二年歲在上章闍茂葭月之吉知縣事山陰沈錫榮識



長武縣志

卷一序

又十

華務公所印刷局代印

續修縣志跋

夫文字有關於世道人心而萬不可少者史與志而已史則朝廷設專司以掌之志乃守土者之責也然非有燕許手筆班馬才識而命寄百里日求訟理政平之不遑奚暇考徵文獻闡揚幽隱哉曲禮曰其次立言非不知與立德立功並重而維持風化蔚諸文辭者之光而潛究不若恪守官箴見諸敷施者之公而顯欲求於功德昭著之餘搜羅無遺傳述得體垂諸永久而不朽者迺於 邑侯沈公見之矣公浙人也名卿世胄學優而仕服官三省循聲卓著庚戌春調攝邑篆甫下車檢閱志乘慨然曰此志未經續修百餘年矣往哲之

長武縣志

卷一 跋

十一

一學務公所印刷局代印

矩矱不彰後來之觀感無自且板已漶漫字嫌模糊魚魯焉烏或者不免天下事詎可畏難苟安乎無如地瘠而衝民貧而寡自強之政治迭興已廢之端緒待理興養立教撫字催科壯廟貌以昌文明築城垣以資捍禦兼之清釐案牘苦無暇晷入冬邀諭紳耆四出採訪務使細流胥納土壤不擇嚴挂漏之防杜誣妄之漸然後核實筆削分門別類甯繁毋簡甯樸毋華遵依體例附諸舊志信徵之志不猶實錄之史乎夫 公以博雅之才出緒餘以成此善舉俾斯邑之忠孝節義後先輝映無不彪炳於簡冊語云雖無老成人尙有典型慨老成之云亡幸典型之猶在其爲世道人心計者曷深且

長哉所謂爲世上不可少之人作人世所難能之事 公其

然歟後之讀斯志者其亦聞風而起是則是倣庶幾砥節礪行繼美前賢孝弟力田胥敦古處化隆俗美不依然詠關風七月之詩復公劉曾父之舊耶 學識謏陋鉛槧久疏雖累牘連章不足貢表揚於萬一爰就管見所及陳其梗概以誌景慕云爾

宣統歲次庚戌嘉平月邑後學王錫璋謹跋

長武縣志

卷一 跋

十二

一學務公所印刷局代印

續修長武縣志姓氏

主修

長武縣知縣

沈錫榮

協修

在籍訓導

王錫璋

拔貢

尙在文

歲貢

崔志嵩

歲貢

魚獻珍

校閱

附貢生

喬蔚文

長武縣志

卷一 姓氏

廩生

張拱辰

採訪

五品軍

雷鳴夏

附生

孟錦雲

附生

王重熙

附生

李昌榮

童生

張汝鶴

長武縣志

總目

縣境沿革表第一。附續沿革表 宣統二年

縣境山川表第二。附續山川表 宣統二年

縣境故城今城表第三。附續表 宣統二年

縣境橋亭鎮堡寺廟表第四。有續表 宣統二年。金石錄及藝文附後

縣境衙署坊市驛遞表第五。有續表 宣統二年。金石錄及藝文附後

縣境道里表第六。附道里表 宣統二年

縣境地丁銀糧表第七。附續地丁銀糧表 宣統二年

秩官表第八。附續表 宣統二年

科貢表第九。附續表 宣統二年

九品表第十。附續表 宣統二年

長武縣志

卷一 總目

彙行表第十一。附續表 宣統二年

列女表第十二。附續表 宣統二年

疆域志

書曰申畫郊圻慎固封守蓋封守之固必先郊圻之畫也凡隸我邦域必繪圖列蹟而後規遠近辨平險審難易體國經野之義于是乎出其間興廢不同沿革自異徵休咎于天文先詳分野晰利病于地脈務別土宜至犬牙相錯輔車相依形勢瞭如指掌經營始可匠心設險固圉亦因攬勝繭絲保障惟在得人志疆域

城池

城垣周匝三里城濠深二丈許東南曠原西北大谷故東南有濠而西北無濠北城有泉眼自城墻下出極旱不竭名爲秀水居民皆取資焉但有洩無蓄故從無富室城基卽宜祿驛之堡擴而充之非鴉觚舊址也城係土築不能堅固故每歲必藉糝益濠富涇漆黑諸水所經泥沙易淤故亦每歲挑濬其城樓角樓戍樓城雖小而制實備焉列圖於左



宜山秀水圖

山形宜字透
玲瓏

活潑靈泉

脈通

不信無透明

秀景

都歸尺幅畫

圖中

鑑湖杏卿氏題



南

牛公祠圖

長武縣志卷之一

長武縣知縣沈錫榮修

縣境沿革表

長武縣明置其地在周以前樂史太平寰宇記云禹貢雍州之域古西戎之地周以後具于表

朝代

縣名

統屬

建置

秦

鶉觚縣

北地郡

周禮職方氏雍州其川涇泗水經注泗水又東逕宜祿縣俗謂之宜祿川界太平寰宇記宜祿川一名西水
亮吉按今長武縣北有涇水自涇州流入縣南有泗水一名宜祿水亦自涇州流入涇縣東俾口鎮與黑水河合入于涇水後魏置宜祿縣取此水為名也
周地圖記曰鶉觚縣者秦使太

長武縣志

卷一 沿革表

學務公所印刷局代印

漢

鶉孤縣

北地郡

子扶蘇及蒙恬築長城見此原原水因欲築城遂以鶉觚為界乃有鶉為飛升觚上以為靈異因以名縣見太平寰宇記元和郡縣志宜祿本漢涇水縣地屬上郡
亮吉按宜祿縣境兼得北地郡鶉縣上郡涇水縣二縣地今考上郡兼宜祿縣亦與郡同立以無明文故不錄入
漢書地理志北地郡有鶉觚縣亮吉按周地圖記稱秦縣作鶉縣可馬彪續漢書同此作孤古字通
漢書地理志上郡有涇水縣非曰廣信
續漢書郡國志安定郡有鶉觚縣云故屬北地
亮吉按後漢上郡無涇水縣蓋係後漢建武中所并省今考太

淺水縣

上郡

子扶蘇及蒙恬築長城見此原原水因欲築城遂以鶉觚為界乃有鶉為飛升觚上以為靈異因以名縣見太平寰宇記元和郡縣志宜祿本漢涇水縣地屬上郡
亮吉按宜祿縣境兼得北地郡鶉縣上郡涇水縣二縣地今考上郡兼宜祿縣亦與郡同立以無明文故不錄入
漢書地理志北地郡有鶉觚縣亮吉按周地圖記稱秦縣作鶉縣可馬彪續漢書同此作孤古字通
漢書地理志上郡有涇水縣非曰廣信
續漢書郡國志安定郡有鶉觚縣云故屬北地
亮吉按後漢上郡無涇水縣蓋係後漢建武中所并省今考太

後漢

鶉觚縣

安定縣

子扶蘇及蒙恬築長城見此原原水因欲築城遂以鶉觚為界乃有鶉為飛升觚上以為靈異因以名縣見太平寰宇記元和郡縣志宜祿本漢涇水縣地屬上郡
亮吉按宜祿縣境兼得北地郡鶉縣上郡涇水縣二縣地今考上郡兼宜祿縣亦與郡同立以無明文故不錄入
漢書地理志北地郡有鶉觚縣亮吉按周地圖記稱秦縣作鶉縣可馬彪續漢書同此作孤古字通
漢書地理志上郡有涇水縣非曰廣信
續漢書郡國志安定郡有鶉觚縣云故屬北地
亮吉按後漢上郡無涇水縣蓋係後漢建武中所并省今考太

靈帝興平元年

鶉觚縣

新平郡

平寰宇記廢鶉觚縣在宜祿縣二十里廢涇水縣在宜祿縣北五里相去不遠疑光武時涇水縣即并入涇觚
袁山松書興平元年分安定郡為石扶風之治於新平郡見太平寰宇記
亮吉按涇水縣即今邠州治

三國魏

鶉觚縣

新平郡

三國疆域志新平郡有鶉觚縣晉太康地記安定郡領涇深朝那烏氏鶉觚陰密西川六縣見宋書州郡志晉書地理志安定郡有鶉觚縣
太平寰宇記石勒改鶉觚縣為趙平郡
十六國區宇志石勒趙平郡有鶉觚縣
十六國區宇志苻堅趙平郡有鶉觚縣
元和郡縣志自姚萇之亂百姓

東晉元帝太興中

鶉觚縣

趙平郡

夷滅此地郡縣並無理所
周地圖記後魏孝明帝熙平二年分鶉觚縣置東陰縣見太平寰宇記
魏書地理志隨平郡領鶉觚東梁二縣
亮吉按東陰縣地形志作東梁二縣

穆帝升平中

鶉觚縣

趙平郡

周地圖記後魏孝明帝熙平二年分鶉觚縣置東陰縣見太平寰宇記
魏書地理志隨平郡領鶉觚東梁二縣
亮吉按東陰縣地形志作東梁二縣

長武縣志

卷一 沿革表

學務公所印刷局代印

後魏

鶉觚縣

隨平郡

夷滅此地郡縣並無理所
周地圖記後魏孝明帝熙平二年分鶉觚縣置東陰縣見太平寰宇記
魏書地理志隨平郡領鶉觚東梁二縣
亮吉按東陰縣地形志作東梁二縣

孝明帝熙平二年

東陰縣

隨平郡

周地圖記後魏孝明帝熙平二年分鶉觚縣置東陰縣見太平寰宇記
魏書地理志隨平郡領鶉觚東梁二縣
亮吉按東陰縣地形志作東梁二縣

廢帝元年

宜祿縣

隨平郡

周地圖記後魏廢帝元年以縣南臨宜祿川又改為宜祿縣見太平寰宇記
元和郡縣志後魏東陰縣廢帝以縣南臨宜祿川因改名焉

後周

安定縣

安定郡

隋書地理志舊置趙平郡後周廢郡并以宜祿縣入鶉觚
元和郡縣志宜祿縣周附又為

鶉觚縣

新平郡

隋書地理志舊置趙平郡後周廢郡并以宜祿縣入鶉觚
元和郡縣志宜祿縣周附又為